

**«ՆԵՐԴՐՈՒՄՆԵՐԻ ՄԱՍՆԱԿԻ ՎԵՐԱԴԱՐՁԸ  
ՏՐԱՄԱԴՐԵԼՈՒ, ՄԵՐԺԵԼՈՒ ԵՎ ԴԱԴԱՐԵՑՆԵԼՈՒ  
ԿԱՐԳՆ ՈՒ ՊԱՅՄԱՆՆԵՐԸ, ՆԵՐԴՐՈՒՄՆԵՐԻ ՄԱՍՆԱԿԻ  
ՎԵՐԱԴԱՐՁԻ ԵՆԹԱԿԱ ԾԱԽՍԵՐՈՒՄ ՀԱՇՎԱՐԿՎՈՂ՝  
ՖԻԼՄԱՐՏԱԴՐՈՒԹՅԱՆ ՀԵՏ ԱՆՄԻՋԱԿԱՆՈՐԵՆ  
ԿԱՊՎԱԾ ԱՊՐԱՆՔՆԵՐԻ, ԾԱՌԱՅՈՒԹՅՈՒՆՆԵՐԻ ԵՎ  
ԱՇԽԱՏԱՆՔՆԵՐԻ ՑԱՆԿԸ ԵՎ ՎԵՐԱԴԱՐՁԻ ԵՆԹԱԿԱ  
ԴՐԱՄԱԿԱՆ ԾԱԽՍԵՐԻ ՉԱՓԸ ՍԱՀՄԱՆԵԼՈՒ  
ՊԱՅՄԱՆՆԵՐՆ ՈՒ ՀԱՇՎԱՐԿԵԼՈՒ ՆՈՐՄԱՏԻՎՆԵՐԸ  
ՀԱՍՏԱՏԵԼՈՒ ՄԱՍԻՆ»**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ Ո Ւ Մ

«   » \_\_\_\_\_ 2024 թվականի

N    - Ն

**«ՆԵՐԴՐՈՒՄՆԵՐԻ ՄԱՍՆԱԿԻ ՎԵՐԱԴԱՐՁԸ ՏՐԱՄԱԴՐԵԼՈՒ, ՄԵՐԺԵԼՈՒ ԵՎ  
ԴԱԴԱՐԵՑՆԵԼՈՒ ԿԱՐԳՆ ՈՒ ՊԱՅՄԱՆՆԵՐԸ, ՆԵՐԴՐՈՒՄՆԵՐԻ ՄԱՍՆԱԿԻ  
ՎԵՐԱԴԱՐՁԻ ԵՆԹԱԿԱ ԾԱԽՍԵՐՈՒՄ ՀԱՇՎԱՐԿՎՈՂ՝ ՖԻԼՄԱՐՏԱԴՐՈՒԹՅԱՆ ՀԵՏ  
ԱՆՄԻՋԱԿԱՆՈՐԵՆ ԿԱՊՎԱԾ ԱՊՐԱՆՔՆԵՐԻ, ԾԱՌԱՅՈՒԹՅՈՒՆՆԵՐԻ ԵՎ  
ԱՇԽԱՏԱՆՔՆԵՐԻ ՑԱՆԿԸ ԵՎ ՎԵՐԱԴԱՐՁԻ ԵՆԹԱԿԱ ԴՐԱՄԱԿԱՆ ԾԱԽՍԵՐԻ  
ՉԱՓԸ ՍԱՀՄԱՆԵԼՈՒ ՊԱՅՄԱՆՆԵՐՆ ՈՒ ՀԱՇՎԱՐԿԵԼՈՒ ՆՈՐՄԱՏԻՎՆԵՐԸ  
ՀԱՍՏԱՏԵԼՈՒ ՄԱՍԻՆ»**

---

Հիմք ընդունելով «Կինեմատոգրաֆիայի մասին» օրենքի 7-րդ հոդվածի 1-ին մասի 3-րդ և 3.1-րդ կետերը՝ Հայաստանի Հանրապետության կառավարությունը **որոշում է**.

1. Հաստատել ներդրումների մասնակի վերադարձը տրամադրելու, մերժելու և դադարեցնելու կարգն ու պայմանները՝ համաձայն Հավելվածի 1-ի:
2. Հաստատել ներդրումների մասնակի վերադարձի ենթակա ծախսերում հաշվարկվող՝ ֆիլմարտադրության հետ անմիջականորեն կապված ապրանքների, ծառայությունների և աշխատանքների ցանկը և վերադարձի ենթակա դրամական ծախսերի չափը սահմանելու պայմաններն ու հաշվարկելու նորմատիվները՝ համաձայն Հավելվածի 2-ի:
3. Սույն որոշումն ուժի մեջ է մտնում պաշտոնական հրապարակման օրվանից 1 ամիս հետո:

Հայաստանի Հանրապետության

վարչապետ  
ՓԱՇԻՆՅԱՆ

Ն.

### **Հավելված N 1**

**ՀՀ կառավարության 2024 թվականի**

\_\_\_\_\_ -ի N \_\_\_\_-ն որոշման

**ՆԵՐԴՐՈՒՄՆԵՐԻ ՄԱՍՆԱԿԻ ՎԵՐԱԴԱՐՁԸ ՏՐԱՄԱԴՐԵԼՈՒ, ՄԵՐԺԵԼՈՒ ԵՎ ԴԱԴԱՐԵՑՆԵԼՈՒ ԿԱՐԳՆ ՈՒ ՊԱՅՄԱՆՆԵՐԸ**

### **1. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգը սահմանում է ներդրումների մասնակի վերադարձը տրամադրելու, մերժելու և դադարեցնելու ընթացակարգերն ու

- պայմանները:
2. Հայաստանի Հանրապետության տարածքում ֆիլմարտադրության նպատակով ներդրումներ կատարելու դեպքում ֆիլմարտադրողը կարող է ստանալ մասնակի վերադարձ՝ 10-40 տոկոսի չափով, ներառյալ մինչև 10% ծախսերի հատուցում՝ Հայաստանը որպես նպատակակետ գովազդելու համար (գովազդի ենթակա տարրերը սահմանվում են Ազգային մարմնի կողմից՝ Լիազոր մարմնի համաձայնությամբ):
  3. Սույն կարգի 2-րդ կետով սահմանված ներդրումների մասնակի վերադարձը կարող է տրամադրվել Հայաստանի Հանրապետության տարածքում օտարերկրյա ֆիլմարտադրողների կողմից ֆիլմարտադրության համար ներդրված դրամական միջոցների դիմաց՝ Հայաստանի Հանրապետությունում գրանցված ֆիլմարտադրող ընկերության հետ համագործակցությամբ՝ վերջինիս միջոցով, ինչպես նաև Հայաստանի Հանրապետության ֆիլմարտադրող ընկերության հետ համատեղ արտադրություն իրականացնող օտարերկրյա ֆիլմարտադրողներին՝ վերջիններիս ներդրման չափով՝ սույն կարգի 2-րդ և սույն որոշման Հավելված N2-ի համաձայն:

## 2. ՆԵՐԴՐՈՒՄՆԵՐԻ ՄԱՍՆԱԿԻ ՎԵՐԱԴԱՐՁ ՍՏԱՆԱԼՈՒ ԸՆԹԱՑԱԿԱՐԳԵՐՆ ՈՒ ՊԱՅՄԱՆՆԵՐԸ

4. Ֆիլմարտադրության նպատակով ներդրվող դրամական ծախսերի 10-40 տոկոսը ետ ստանալու նպատակով ֆիլմարտադրողը պետք է ազգային մարմին ներկայացնի.
  - հայտ (ձևը մշակում է Ազգային մարմինը և հրապարակում իր պաշտոնական կայքում),
  - իրավաբանական անձանց պետական ռեգիստրի վկայականի պատճենը,
  - ֆիլմի սցենարը՝ նշելով ֆիլմի արտադրման ժամկետները,
  - դերասանանան կազմի վերաբերյալ տվյալներ /անուն ազգանուն և այլ/,
  - ֆիլմարտադրության հետ անմիջականորեն կապված ծախսերի ցանկը (որը կազմվում է սույն որոշման Հավելված 2-ով սահմանված ցանկի հիման վրա) և դրանք հիմնավորող փաստաթղթերը:
5. Ազգային մարմնի կողմից ստեղծված և Ազգային մարմինն կից գործող հանձնաժողովը 7 աշխատանքային օրվա ընթացքում Ազգային մարմնի կողմից սահմանված կարգով ուսումնասիրում է հայտը և դրան կից ներկայացված փաստաթղթերի ամբողջականությունը և բովանդակությունը:
6. Ներկայացված փաստաթղթերը ոչ ամբողջական լինելու, ինչպես նաև դրանցում թերություններ և (կամ) տեխնիկական սխալներ հայտնաբերելու պարագայում Ազգային մարմինը առաջարկում է ֆիլմարտադրողին 10 աշխատանքային օրվա ընթացքում համալրել անհրաժեշտ փաստաթղթերը և (կամ) շտկել առկա թերությունները:
7. Փաստաթղթերի ամբողջական փաթեթը ստանալուց հետո

իրականացվում է Կարգի 5-րդ կետով սահմանված գործընթացը և հանձնաժողովը որոշում է կայացնում հայտը նախնական բավարարելու կամ մերժելու մասին:

8. Հայտը նախնական բավարարվում է եթե.

- Ֆիլմարտադրողը փաստաթղթերը ներկայացրել է Ազգային մարմնի կողմից սահմանված կարգով պահանջվող ձևաչափով,
- Ներկայացված փաստաթղթերով հիմնավորվում է ծախսերի կատարման անհարժեշտությունը և դրանք անմիջականորեն կապված են ֆիլմարտադրության հետ,
- Բացակայում են հայտը մերժելու և (կամ) ներդրումների վերադարձը դադարեցնելու հիմքերը,
- Առկա են Ազգային մարմնի կողմից սահմանված կարգով՝ հայտը և դրան կից ներկայացված փաստաթղթերի ամբողջականությունը ու բովանդակությունը ուսումնասիրելու հիմքերը:

9. Հայտը բավարարելու դեպքում Ազգային մարմնի կողմից տրված նախնական եզրակացության հիման վրա 7 աշխատանքային օրվա ընթացքում կնքվում է պայմանագիր Լիազոր մարմնի և ֆիլմարտադրողի միջև, որով սահմանվում է ֆիլմարտադրողի պարտավորությունը՝ Ազգային մարմին ներկայացված սցենարի հիման վրա իր կողմից ներկայացված ժամկետում ֆիլմը նկարահանելու վերաբերյալ, և այդ պայմանը պահպանելու դեպքում Լիազոր մարմնի պարտավորությունը՝ Ազգային մարմնի կողմից նախնական բավարարված հայտով նշված գումարը ֆիլմարտադրողին ետ վերադարձնելու:

10. Հանձնաժողովի կողմից հայտը մերժվում է եթե.

- հայտնի են դարձել փաստեր, որոնք հավաստում են, որ ներկայացվել են ոչ հավաստի տեղեկություններ կամ կեղծ փաստաթղթեր,
- ներկայացված փաստաթղթերը չեն համապատասխանում Օրենքի կամ Կարգի պահանջներին,
- ներկայացված փաստաթղթերը թերի են, և տեղեկացնելուց հետո՝ 10 աշխատանքային օրվա ընթացքում, թերությունները չեն վերացվում,
- առկա չեն Ազգային մարմնի կողմից սահմանված կարգով՝ հայտը և (կամ) դրան կից ներկայացված փաստաթղթերի ամբողջականությունը ու բովանդակությունը ուսումնասիրելու հիմքերը,
- ֆիլմարտադրողը իր գործունեության ընթացքում ոչնչացրել կամ վնասել է պետության պահպանության տակ գտնվող պատմության կամ մշակույթի հուշարձանը, պատմական կամ մշակութային առանձնակի արժեք ունեցող առարկան կամ փաստաթուղթը, հնագիտական օբյեկտները, խախտել է պետության կողմից հատուկ պահպանվող բնական տարածքի կամ օբյեկտի՝ օրենսդրությամբ սահմանված ռեժիմը՝ առաջացնելով քրեական օրենսդրությամբ սահմանված խոշոր չափերի գույքային կամ այլ էական վնաս, կամ հրաժարվել է հատուցել հանրային կամ մասնավոր անձանց գույքին պատճառված վնասը կամ վերականգնել դրա նախկին վիճակը,
- ազգային մարմինը օրենսդրությամբ սահմանված վերահսկողության տվյալների հիմքով տվել է բացասական եզրակացություն:

11. Ֆիլմի նկարահանումները ավարտելուց հետո, սակայն ոչ ուշ, քան հայտով ներկայացված ժամկետի ավարտը, ֆիլմարտադրողը Ազգային մարմին է ներկայացնում.
  - նկարահանված ֆիլմը,
  - ֆիլմարտադրության հետ անմիջականորեն կապված և արդեն իսկ իրականացված ծախսերի ցանկը (որը կազմվում է սույն որոշման Հավելված 2-ով սահմանված ցանկի հիման վրա) և դրանք հիմնավորող փաստաթղթերը,
  - Հայտին կից ներկայացված փաստաթղթերում փոփոխությունների առկայության դեպքում փոփոխված փաստաթղթերը և փոփոխությունների հիմնավորումները:
12. Կարգի 11-րդ կետով սահմանված նյութերը դիտարկվում են հանձնաժողովի կողմից՝ համաձայն Կարգի 5-րդ կետի, և հանձնաժողովը որոշում է կայացնում հայտը ամբողջությամբ բավարարելու կամ մերժելու մասին:
13. Կարգի 11-րդ կետով սահմանված նյութերը ոչ ամբողջական լինելու և (կամ) դրանցում թերություններ հայտնաբերելու դեպքում գործում է Կարգի 6-րդ և 7-րդ կետով սահմանված դրույթները:
14. Հայտը ամբողջությամբ բավարարվում է եթե.
  - առկա են Կարգի 8-րդ կետով սահմանված հիմքերը,
  - ներկայացված ֆիլմը համապատասխանում է հայտին կից ներկայացված սցենարին կամ սցենարից շեղումները հանձնաժողովը համարում է հիմնավոր,
  - հանձնաժողովը հայտին կից ներկայացված փաստաթղթերում իրականացված փոփոխությունները համարում է հիմնավոր:
15. Հայտը ամբողջությամբ բավարարվելու դեպքում Ազգային մարմինը Լիազոր մարմին է ներկայացնում ներդրման ետ վերադարձ տրամադրելու դրական եզրակացությունը, որտեղ սահմանվում է ետ վերադարձի ենթակա ֆիլմարտադրության հետ անմիջականորեն կապված ծախսերի ցանկը և գումարի ետ վերադարձի չափը:
16. Տրված դրական եզրակացության հիման վրա Լիազոր մարմինը մինչև ներդրման ետ վերադարձը տրամադրելը 7 աշխատանքային օրվա ընթացքում իրականացնում է Կարգի 9-րդ կետով նախատեսված պայմանագրի փոփոխություն՝ այն համապատասխանեցնելով դրական եզրակացությամբ սահմանված պայմաններին, և երկու ամսվա ընթացքում իրականացնում է ներդրման ետ վերադարձը՝ գումարը ֆիլմարտադրողի բանկային հաշվեհամարին փոխանցելու եղանակով:
17. Հանձնաժողովի կողմից հայտը դադարեցվում է եթե.
  - առկա են Կարգի 10-րդ կետով սահմանված հիմքերը,
  - ներկայացված փաստաթղթերում առկա փոփոխությունները և (կամ) սցենարից շեղումները հանձնաժողովը համարում է անհիմն,
  - ներկայացվել է ոչ հավաստի տեղեկատվություն կամ կեղծ փաստաթղթեր,
  - խախտվել են ՀՀ օրենսդրության և այլ նորմատիվ իրավական ակտերի պահանջները,

- ֆիլմարտադրության աշխատանքներում կատարել է վարչական կամ քրեական պատասխանատվություն նախատեսող արարք, որով պետությանը, իրավաբանական կամ ֆիզիկական անձին պատճառել է վնաս կամ հանգեցրել գույքի մասնակի կամ լրիվ ոչնչացման կամ կատարել է ֆիլմարտադրության իրավունք վերապահող փաստաթղթերով չնախատեսված և համապատասխան լիազոր մարմինների հետ չհամաձայնեցված արարք:

18. Կարգի 10-րդ և 17-րդ կետերով սահմանված հիմքերի առկայության դեպքում Ազգային մարմինը օրենսդրությամբ սահմանված վերահսկողության տվյալների հիմքով իրավասու է իր կողմից տրված դրական եզրակացությունը փոփոխել և Լիազոր մարմինն ներկայացնել բացասական եզրակացություն, որի հիման վրա ներդրումների մասնակի վերադարձը դադարեցվում է, իսկ հատկացված միջոցները հետ են գանձվում պետական բյուջե:

## Հավելված N 2

### ՀՀ կառավարության 2024 թվականի

\_\_\_\_\_ -ի N \_\_\_\_-Ն որոշման

**ՆԵՐԴՐՈՒՄՆԵՐԻ ՄԱՍՆԱԿԻ ՎԵՐԱԴԱՐՁԻ ԵՆԹԱԿԱ ԾԱԽՍԵՐՈՒՄ ՀԱՇՎԱՐԿՎՈՂ՝ ՖԻԼՄԱՐՏԱԴՐՈՒԹՅԱՆ ՀԵՏ ԱՆՄԻՋԱԿԱՆՈՐԵՆ ԿԱՊՎԱԾ ԱՊՐԱՆՔՆԵՐԻ, ԾԱՌԱՅՈՒԹՅՈՒՆՆԵՐԻ ԵՎ ԱՇԽԱՏԱՆՔՆԵՐԻ ՑԱՆԿԸ ԵՎ ՎԵՐԱԴԱՐՁԻ ԵՆԹԱԿԱ ԴՐԱՄԱԿԱՆ ԾԱԽՍԵՐԻ ՉԱՓԸ ՍԱՀՄԱՆԵԼՈՒ ՊԱՅՄԱՆՆԵՐՆ ՈՒ ՀԱՇՎԱՐԿԵԼՈՒ ՆՈՐՄԱՏԻՎՆԵՐԸ**

### 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը սահմանում է ներդրումների մասնակի վերադարձի ենթակա ծախսերում հաշվարկվող՝ ֆիլմարտադրության հետ անմիջականորեն կապված ապրանքների, ծառայությունների և աշխատանքների ցանկը և վերադարձի ենթակա դրամական ծախսերի

- չափը սահմանելու պայմաններն ու հաշվարկելու նորմատիվները:
2. Ներդրումների դրամական ծախսերի մասնակի վերադարձի համար ֆիլմարտադրության հետ անմիջականորեն կապված ապրանքները, ծառայություններն ու աշխատանքները ֆիլմարտադրողները պետք է ձեռք բերեն Հայաստանի Հանրապետության ռեզիդենտ անձանցից:
  3. Ներդրումների մասնակի վերադարձի ենթակա ծախսերում չեն հաշվարկվում դրամագլխի հաշվին տվյալ ֆիլմարտադրությանը հատկացված ֆինանսական միջոցների չափով կատարված ապրանքների, ծառայությունների և աշխատանքների ծախսերը՝ առկայության դեպքում:

## **2. ՆԵՐԴՐՈՒՄՆԵՐԻ ՄԱՍՆԱԿԻ ՎԵՐԱԴԱՐՁԻ ԵՆԹԱԿԱ ԴՐԱՄԱԿԱՆ ԾԱԽՍԵՐԻ ԶԱՓԸ ՍԱՀՄԱՆԵԼՈՒ ԴԱՅՄԱՆՆԵՐՆ ՈՒ ՀԱՇՎԱՐԿԵԼՈՒ ՆՈՐՄԱՏԻՎՆԵՐԸ**

4. Ֆիլմարտադրության նպատակով ներդրվող դրամական ծախսերի վերադարձման նվազագույն չափ է սահմանվում սույն կարգի 3-րդ գլխով սահմանված ցանկում առկա ապրանքների, ծառայությունների և աշխատանքների ձեռք բերման նպատակով ֆիլմարտադրողի համար հաշվեգրված հարկերի չափը, սակայն ոչ պակաս, քան ներդրված ընդհանուր գումարի 10 տոկոսը:
5. Ազգային մարմնի կողմից սահմանված կարգով՝ հայտի և դրան կից ներկայացված փաստաթղթերի ամբողջականությունը ու բովանդակությունը ուսումնասիրելու հիմքերի առկայության դեպքում, ֆիլմարտադրության նպատակով ներդրվող դրամական ծախսերի վերադարձման տոկոսը կարող է Հանձնաժողովի կողմից սահմանվել ավելին քան սույն կարգի 4-րդ կետում նշված սահմանաչափը, բաց ոչ ավելի, քան ներդրված ընդհանուր գումարի 40 տոկոսը:
6. Ներդրումների մասնակի վերադարձը Լիազոր մարմնի կողմից իրականացվում է սույն որոշման Հավելված 1-ի 16-րդ կետով սահմանված ժամկետում՝ սույն կարգի 4-րդ և 5-րդ կետերով սահմանված չափով և համամասնությամբ:
7. Ներդրումների վերադարձի ենթակա ծախսումները հիմնավորող փաստաթղթերի ցանկն ու ձևաչափը սահմանում է Ազգային մարմինը և հրապարակում իր պաշտոնական կայքում:

## **3. ՖԻԼՄԱՐՏԱԴՐՈՒԹՅԱՆ ՀԵՏ ԱՆՄԻՋԱԿԱՆՈՐԵՆ ԿԱՊԿԱԾ ԱՊՐԱՆՔՆԵՐԻ, ԾԱՌԱՅՈՒԹՅՈՒՆՆԵՐԻ ԵՎ ԱՇԽԱՏԱՆՔՆԵՐԻ ՑԱՆԿ**

### **№ 1. Ծախսերի անվանումը**

1. Աուդիո-վիզուալ սարքավորումների վարձույթ Հայաստանում (այդ թվում նկարահանության և ծայնագրման սարքավորումների վարձույթ (ներառյալ դրանց պարգեներատորի վարձակալում)

2. Չգեստապահարանի (կոստյումների գնում, կարում, վարձույթ)
3. Վարսահարդարման և բեմիքերի, դիմահարդարման ստուդիաներ
4. Ռեկվիզիտների ձեռքբերում և վարձակալում
5. Դիզայներական ծառայություններ (այդ թվում՝ ֆիլմի տպագրական և գովազդային պատրաստում)
6. Տաղավարների, ստուդիաների, փորձասենյակների, մանուֆակտուրաների վարձու սենյակ, հյուսնի արհեստանոց, սպորտային պահեստային տարածքներ, դիմահարդար հագուստի, բեմիքերի, օպերատորական և լուսավորման սարքավորումների, հանգ
7. Գրասենյակային վարձով տարածք, գրասենյակային կահույք և տեխնիկա, գրասենյակ պարագաներ, կոմունալ վճարներ և այլ արտադրական իրերի վարձակալում (սեղան, հովանոց, առաջին օգնության պարագաներ, թվային կրիչներ և այլն)
8. Օդային և ջրային տրանսպորտի վարձույթ Հայաստանում
9. Կենդանիների վարձույթ, վարժեցում, կերակրում, տեղափոխում
10. Ջրի տարաների և շարժական զուգարանների վարձույթ
11. Պետական և մասնավոր տարածքներին պատկանող հատուկ անձնակազմի և տեղափոխման վարձակալում
12. Ցամաքային տրանսպորտի, տրանսպորտային միջոցների և բոլոր հատուկ տրանսպորտի վարձույթ ֆիլմարտադրության համար
13. Անվտանգության և շտապ բժշկական օգնության ծառայություններ
14. Սննդի ծառայություններ Հայաստանի տարածքում (այդ թվում դաշտային խոհանոցային ծառայություններ)
15. Հայաստանում մատուցվող ֆիլմարտադրության մասնագիտական ծառայություններ՝ ռեժիսոր, քաստինգի տնօրեն, ռեժիսորի ասիստենտ և օգնական, սուպերվայզեր, օպերատոր, օպերատորի ասիստենտ, տեխնիկայի մեխանիկ, դրոնի օպերատոր, ֆլայերի և սկարչի ասիստենտ, սկարիչ-դեկորատոր, դեկորատոր-ձևավորող, դեկորատորի ասիստենտ, սկարիչ-դիմահարդար, դիմահարդարի ասիստենտ, հատուկ էֆֆեկտների դիմահարդար, զգեստների սկարիչ, զգեստների սկարչի ասիստենտ, հնչյունային ռեժիսոր, հնչ. ռեժիսոր, հնչյունային օպերատոր, հնչ. օպ. ասիստենտ, դերակատարներ, դերակատարներ, փոխտնօրեն, ադմինիստրատոր, պրոդյուսեր, կրեատիվ պրոդյուսեր, գործադիր պրոդյուսեր, գծային պրոդյուսեր, գույքապահ ռեկվիզիտոր, քասթինգ մենեջեր և զանգվածային մասնակիցների ապահովման ծառայություն, լոքեյշն մենեջեր, վարսահարդար, զգեստների օպերատորների բրիգադի և լուսավորողներ, նկարահանման այլ տեխնիկայի մեխանիկներ
16. Հայաստանում մատուցվող մասնագիտական ծառայություններ՝ ապահովագրություն, հաշվապահական, գնումների համակարգման, աուդիտորական, թարգմանչական, խորհրդատվական և իրավաբանական ծառայություններ: Նաև անհրաժեշտության դեպքում ծառայություններ տրամադրվում են փոխկապակցված անձի կողմից և նախատեսված դեպքերում Հայաստանի օրենսդրության համապատասխան, փորձագետի կողմից ծառայություն
17. Հայաստանում մատուցվող ֆիլմարտադրության սպասարկման ծառայություններ՝ բանվորներ, հավաքարարներ, պահակներ, էլեկտրիկներ և այլն
18. Հատուկ էֆեկտների ծառայություններ - մասնագետներ և սարքավորումներ (այդ թվում տեսողական (վիզուալ) էֆեկտներ նկարահանող խումբ
  - SFX սուպերվայզեր, հրագործներ)
19. Հատուկ ծառայություններ՝ scuba diving, պարաշյուտային թռիչքներ , դելտապլանի վարձույթ, հրահանգիչ, ֆիլմարտադրության հետ առնչվող լեռնային ծառայություններ ծառայությունների
20. Նկարահանման վայրերի վարձավճար և նկարահանման իրավունքի արժեքը՝ սեփական վճարված գումար (իրավաբանական անձի ռեզիդենտ ֆիզիկական անձ) նկարահանման հետ կապված աուդիովիզուալ արտադրություն Հայաստանի տարածքում
21. Դեկորացիաների պատրաստում և/կամ կազմակերպման ծառայություններ



22. Հայաստանի տարածքում ծրագրի շահառուի ադմինիստրատիվ անձանց ճանապարհորդությանը համապատասխան
23. Կեցության ծախսեր Հայաստանում, հյուրանոցի ծախսեր անձնակազմի համար
24. Անձնական ծախսեր, որոնք ներառում են՝ լրիվ/կես դրույք աշխատող անձի աշխատակապալառուի աշխատուժի վարձատրությունը, որը պետք է լինի ՀՀ քաղաքացի, ՀՀ բյուջե վճարող հարկեր, վարձված ՀՀ օրենսդրությամբ և ՀՀ տարածքում:
25. Ծրագրի շահառուի կողմից Հայաստանի ռեզիդենտ ֆիզիկական անձանց (ռեժիսոր, հեղինակ, կոմպոզիտոր, գլխավոր գլխավոր դերասան, օպերատոր, բեմադրող նկարիչներ, մոնտաժի ռեժիսոր, խմբագիր) տրվող վարձատրությունը:
26. Ճանապարհորդության ծախսեր (միայն Հայաստանում, ներառյալ վառելիքի ծախսեր)
27. Հայաստանում հեռախոսի, բջջային հեռախոսի, ինտերնետի, ֆաքսի հաշիվների համարում
28. Մոնտաժ-ձայնագրման, Վիզուալ էֆեկտների, Գունաշտկման, Երաժշտական ձևաձևառայություններ և ստուդիաների վարձակալություն (այդ թվում՝ պատկերի և ձայնագրաֆիկա, գունաշտկում, խոսքի, ադմոնկի և երաժշտության ձայնագրում, ձայնային մշակում, հնչյունային ձևավորում, վերաձայնագրում, ենթագրերի և մակագրերի ադմինիստրացիայի, Երկխոսությունների թերթերի գրառում, Արխիվային նյութերի թվայնացում, պատկերավերարտադրում կադրավորման/մոնտաժային թերթերի գրառում և այլն)
29. Անիմացիոն ծառայություններ և աշխատանքներ (այդ թվում՝ անիմացիոն ֆոների, նկարիչ, 3D նկարիչ-մոդելավորող, կադրաբաժանման /storyboard/ նկարիչ, 2D նկարիչ, նկարիչ -անիմատոր, անիմացիոն լույսի նկարիչ, նկարիչ -տեքստուրավորող, ռիֆ /վոյսի համակարգ հավաքող/ մասնագետ, քմպոզեր/ անիմացիոն շերտերի միացման/ մասնագետ, գունալցող, ռենդի /թվային ինֆորմացիայի վերարտադրման/ մասնագետ և այլն)
30. Ձայնագրման ստուդիաների վարձույթ ֆիլմերի կրկնօրինակման համար